

॥ आयुष्यसूक्तम् ॥

यो ब्रह्मा ब्रह्मण उ॒ञ्जहार॑ प्रा॒णैः शिरः॑ कृ॒त्तिवासाः॑ पिना॒की।
ईशानो॑ देवः स न आयु॑र्दधा॒तु तस्मै॑ जुहोमि ह॒विषा॑
घृ॒तेन॑॥१॥

विभ्राज॑मानः सरि॑रस्य म॒ध्या॒द्रोच॑मानो घ॒र्मरुचि॑र्य आ॒गात्।
स मृत्यु॑पाशानपनु॑द्य घो॒रा॒निहा॑युषे॒णो घृ॒तम॑त्तु देवः॥२॥

ब्रह्म॑ज्योतिर्ब्रह्म॑पत्नीषु ग॒र्भं य॒मा॒दधा॑त् पुरु॒रूपं॑ जय॒न्तम्।
सुव॑र्णर॒म्भग्र॑हम॒र्कम॑र्च्य॒ तमा॑युषे॒ वर्ध॑यामौ घृ॒तेन॑॥३॥

श्रियं॑ लक्ष्मीमौ॒बलाम॑म्बिकां गां॒ षष्ठीं॑ च यामिन्द्र॑सेनै॒त्युदा॑हुः।
तां वि॒द्यां ब्रह्म॑योनिः॑ स॒रूपा॒मिहा॑युषे॒ तर्प॑यामौ घृ॒तेन॑॥४॥

दाक्षाय॑ण्यः सर्व॑योन्यः स यो॒न्यः स॒हस्र॑शो वि॒श्वरूपा॑
वि॒रूपाः॑। स॒सून॑वः स॒पत॑यः स॒यूथ्या॑ आ॒युषे॒णो घृ॒तमि॑दं
जुष॑न्ताम्॥५॥

दि॒व्या ग॑णा ब॒हुरूपाः॑ पुरा॒णा आ॒युश्छि॑दो नः प्रमथ्र॑न्तु
वी॒रान्। तेभ्यो॑ जुहोमि ब॒हुधा॑ घृ॒तेन॑ मा॒ नः प्र॒जाः री॑रिषो
मौ॒त वी॒रान्॥६॥

ए॒कः पु॒रस्ता॑द्य इ॒दं ब॒भूव॑ यतो ब॒भूव॑ भुव॒नस्य॑ गो॒पाः।
यम॑प्येति भुव॒नः सा॑म्परा॒ये स नो॑ ह॒विर्घृ॑तमिहायुषै॑त्तु
देवः॥७॥

व॒सून् रु॒द्रा॒नादि॒त्यान् म॑रुतो॑ऽथ सा॒ध्यान् ऋ॑भून् य॒क्षान्

गन्धर्वाँश्च॑ पितॄँश्च॑ वि॒श्वान्। भृ॒गून् सर्पाँश्चाङ्गि॑रसोऽथ
स॒र्वान् घृ॒तं हु॒त्वा स्वा॑युष्या॒ मह॑याम॒ श॒श्वत्॥८॥

विष्णो॑ त्वं नो॒ अन्त॑मः॒ शर्म॑ यच्छ॒ सह॑न्त्या। प्र॒ते॒धारां॑ मधु॒श्चु॒त
उ॒थ्सं॑ दु॒हते॒ अक्षि॑तम्॥९॥

॥ ॐ शान्तिः॒ शान्तिः॒ शान्तिः॑ ॥



आयु॑ष्टे वि॒श्वतो॑ दध॒द्यम॒ग्निर्वरे॑ण्यः। पुन॑स्ते प्रा॒ण आय॑ति
परा॒ यक्ष्म॑ सु॒वामि॑ ते। आ॒यु॒र्दा अ॒ग्ने ह॒विषो॑ जुषा॒णो
घृ॒तप्र॑तीको घृ॒तयो॑निरेधि। घृ॒तं पी॒त्वा मधु॑ चारु॒ गव्यं॑ पि॒तेव॑
पु॒त्रम॒भिर॑क्षतादि॒मम्।